



Bosnia and Herzegovina  
Federation of Bosnia and Herzegovina

**CANTON SARAJEVO**  
Professional Service of the Government

Broj: 16-27-05-16503/19  
Sarajevo, 10.07.2019. godine

**KANTON SARAJEVO**

**SLUŽBA ZA SKUPŠTINSKE POSLOVE**

**PREDMET:** Dopuna materijala Prijedlog odluke o vršenju ovlaštenja skupštine u javnim preduzećima čiji je osnivač Kanton Sarajevo, dostavlja se,-

**VEZA:** Akt Ministarstva komunalne privrede i infrastrukture, broj: 27-05-16503/19 od 08.07.2019. godine

U prilogu Vam dostavljamo Mišljenja Ureda za zakonodavstvo Vlade Kantona Sarajevo, Ministarstva pravde i uprave Kantona Sarajevo i Ministarstva finansija Kantona Sarajevo, koji predstavljaju sastavni dio materijala Prijedlog odluke o vršenju ovlaštenja skupštine u javnim preduzećima čiji je osnivač Kanton Sarajevo.

U prilogu dostavljamo i Izvještaj o provedenoj javnoj raspravi o Nacrtu odluke, kao i obrazloženje uz predmetni Prijedlog odluke s obzirom da je usljed tehničke greške dostavljeno obrazloženje koje ne odgovara u potpunosti tekstu Prijedloga odluke.

Navedena dopuna materijala je dostavljena od strane Ministarstva komunalne privrede i infrastrukture dana 09.07.2019. godine u 15,55 sati u Stručnu službu Vlade Kantona Sarajevo.

S poštovanjem

Prilog: kao u tekstu



**SEKRETAR**

**dr. sc. Tarik Humačkić**

Dostaviti:

1. Naslovu
2. Evidencija
3. Arhiva



web: <http://vlada.ks.gov.ba>  
e-mail: [ssv@ssv.ks.gov.ba](mailto:ssv@ssv.ks.gov.ba)  
Tel: + 387 (0) 33 562-074, 562-075  
Fax: + 387 (0) 33 562-076  
Sarajevo, Reisa Džemaludina Čauševića 1



11, 11  
08.07.2019.

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo komunalne privrede i  
infrastrukture



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство комуналне  
привреде и инфраструктуре

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy and  
Infrastructure

Broj: 27-05-16503/19  
Sarajevo, 08.07.2019. godine

**KANTON SARAJEVO**  
**STRUČNA SLUŽBA VLADE**  
**- O V D J E -**

**PREDMET:** Dopuna materijala koji je uvršten u dnevni red 11. Radne sjednice Skupštine  
Kantona Sarajevo, dostavlja se, -

U Dnevni red 11. Radne sjednice Skupštine Kantona Sarajevo planirane za 15.07.2019. godine pod tačkom 8. uvršten je materijal: "Prijedlog odluke o vršenju ovlaštenja skupštine u javnim preduzećima čiji je osnivač Kanton Sarajevo".

S tim u vezi, dostavljamo mišljenja Ureda za zakonodavstvo Vlade Kantona Sarajevo, Ministarstva pravde i uprave Kantona Sarajevo i Ministarstva finansija Kantona Sarajevo na naprijed navedeni materijal, kao dopunu istog.

Također, u prilogu dostavljamo i Izvještaj o provedenoj javnoj raspravi o Nacrtu odluke koji predstavlja sastavni dio materijala, kao i obrazloženje uz predmetni Prijedlog odluke s obzirom da je usljed tehničke greške dostavljeno obrazloženje koje ne odgovara u potpunosti tekstu Prijedloga odluke.

**S poštovanjem**

**Prilog:** kao u tekstu;



**MINISTAR**  
[Redacted signature]  
**mr sc. Srdan Mandić**

Dostaviti:

1. Naslovu
2. Evidencija
3. a/a



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1



## O B R A Z L O Ź E N J E

### **PRAVNI OSNOV:**

Pravni osnov za donošenje odluke sadržan je u članu 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 – Ispravka, 3/96 – Ispravka, 16/97, 14/00, 4/01, 28/04, 6/13 i 31/17), člana 2., 238., 303. stav (2), 335. stav (6) i 337. Zakona o privrednim društvima ("Službene novine Federacije BiH", broj: 81/15) i člana 2. stav (2) Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08, 22/09 i 109/12).

### **RAZLOZI ZA DONOŠENJE:**

Uvažavajući činjenicu da je Odluka o osnivanju skupština javnih preduzeća čiji je osnivač Kanton Sarajevo donesena od strane Skupštine Kantona Sarajevo još 2009. godine te da su posljednje izmjene izvršene 2014. godine, a da je Zakon o privrednim društvima stupio na snagu 22.10.2015. godine, sa početkom primjene od 22.12.2015. godine, ukazala se neodložna potreba za donošenjem nove odluke radi usklađivanja sa odredbama Zakona o privrednim društvima ("Službene novine Federacije BiH", broj: 81/15).

Intencija je da se novom odlukom, a u skladu sa odredbama Zakona o privrednim društvima i Zakona o javnim preduzećima u Federaciji BiH, za razliku od prethodnih rješenja i prakse koja je bila uspostavljena u prethodnom periodu, obezbijedi aktivnija uloga osnivača i Vlade Kantona u procesu nadzora nad radom upravljačkih struktura kantonalnih javnih preduzeća, ali i rada i poslovanja samih preduzeća.

Nadalje, vodeći se i činjenicom da Vlada Kantona kao kolegijalni organ, radi i zasjeda u sjednicama, omogućavanjem vršenja ovlaštenja putem punomoćnika stvoreni su uslovi da Vlada Kantona i resorna ministarstva preuzmu aktivniju ulogu u samom radu skupština KJP.

U tom cilju, i nakon provedene javne rasprave sačinjen je Prijedlog odluke o vršenju ovlaštenja skupštine u javnim preduzećima čiji je osnivač Kanton Sarajevo kojom se, u skladu sa odredbama Zakona o privrednim društvima i Zakona o javnim preduzećima u Federaciji BiH, definišu nosioci i obim ovlaštenja.

Skupština Kantona Sarajevo je na Sedmoj radnoj sjednici održanoj dana 17.04.2019. godine utvrdila Nacrt odluke o vršenju ovlaštenja skupštine u javnim preduzećima čiji je osnivač Kanton Sarajevo (u daljem tekstu: odluka) i donijela Zaključak da se o ovom Nacrtu odluke provede javna rasprava u trajanju od 15 dana. Nacrt je dostavljen kantonalnim organima uprave, jedinicama lokalne samouprave i javnim preduzećima na koje se Odluka odnosi.

U toku javne rasprave, pismene primjedbe, prijedloge i sugestije dostavili su:

- KJKP „Sarajevogas” d.o.o. Sarajevo,
- KJKP „Tržnice-pijace” d.o.o. Sarajevo
- KJKP „Vodovod i kanalizacija” d.o.o. Sarajevo

U toku rasprave po tački 10. Dnevnog reda Sedme radne sjednice Skupštine Kantona Sarajevo, a koja je prethodila utvrđivanju Nacrta odluke o vršenju ovlaštenja skupštine u javnim preduzećima čiji je osnivač Kanton Sarajevo, zastupnici u Skupštini Kantona Sarajevo Aljoša Čampara i Mirza Čelik, uz podršku donošenju odluke koja tretira ovo pitanje, iznijeli su i niz primjedbi na predložene odredbe odluke. Primjedbe su na osnovu Izvoda iz Stenograma 7. Radne sjednice Skupštine Kantona Sarajevo, obuhvaćene u Izvještaju o provedenoj javnoj raspravi koji se nalazi u prilogu ovog materijala.

Primjedbe sudionika u javnoj raspravi koje su prihvaćene, ugrađene su u tekst Prijedloga odluke.

### **Predložena pravna rješenja:**

Nakon detaljne analize, a uzimajući u obzir organizacioni oblik javnih preduzeća čiji je osnivač Kanton Sarajevo (radi se isključivo o društvima sa ograničenom odgovornošću), odredbi članova 335., 336. i 337. Zakona o privrednim društvima kojima se reguliše i definiše način rada i sazivanja skupštine društva sa ograničenom odgovornošću kao i odredbi Zakona koji se odnose na skupštinu

dioničkog društva te uz uvažavanje svrsishodnosti i cilja samog Zakona, konstatovano je da u konkretnoj stvari nije moguća striktna primjena odredbi člana 238. stav (3), (4) i (6), a u vezi sa članom 303. stav (1) Zakona o privrednim društvima ( u daljem tekstu ZPD).

Naime, iz naprijed navedenih odredbi članova 335., 336. i 337. ZPD i u duhu cijelog Zakona, dolazi se do jasnog i nedvosmislenog zaključka da je zakonodavac predvidio značajan stepen autonomnosti u upravljanju društvima za osnivače DOO u odnosu na vlasnike dionica u DD, a što je u skladu i sa standardima koooperativnog upravljanja.

Za navedeno, uporište se nalazi u samim odredbama člana 335. stav (3) ZPD kojim je predviđena mogućnost da osnivač ili više njih ugovorom ili statutom mogu odrediti da se o pojedinim pitanjima može odlučivati i bez sazivanja skupštine, pisanim glasanjem. Također, u članu 336. utvrđen je krug ovlaštenih osoba koji mogu sazvati skupštinu te je predviđeno i „član ili članovi društva čiji udjeli čine najmanje desetinu osnovnog kapitala (kod DD sjednice skupštine u pravilu saziva Nadzorni odbor, na vlastitu inicijativu ili po prijedlogu ovlaštenih predlagača u koji krug spada i „dioničar ili grupa dioničara sa više od 10% od ukupnog broja dionica sa pravom glasa”).

S istim ciljem, kod DOO nije predviđena obaveza javnog objavljivanja obavještanja o održavanju skupštine u dnevnim novinama, ne postoji obaveza registracije za učešće u radu skupštine, nema obaveznih radnih tijela skupštine, odbora za glasanje i ovjerivača zapisnika odnosno rad skupštine u DOO je manje formalan, operativniji je i pojednostavljen.

I u pogledu nadležnosti skupštine odnosno pitanja o kojima odlučuje skupština, za DOO je ovim Zakonom utvrđeno obavezno odlučivanje skupštine samo u tri slučaja dok je kod DD situacija značajno drugačija. Na kraju, relevantne su činjenice da dioničar ima ovlaštenje da učestvuje u radu i odlučivanju skupštine putem glasanja i u tom obimu svoja ovlaštenja može prenijeti i na punomoćnika, dok u konkretnoj situaciji Skupština Kantona kao osnivač odnosno Vlada Kantona prenose svoje ovlaštenje za donošenje odluka iz nadležnosti skupštine preduzeća. Evidentno je da odredbe članova 335., 336. i 337. ZPD sa jasnim ciljem predviđaju širi korpus ovlaštenja osnivača u upravljanju društvom kroz skupštinu i uz pojednostavljene procedure.

Shodno naprijed navedenom, predložena su sljedeća pravna rješenja:

- **Član 1.** - preciziran je predmet odluke u smislu da Kanton Sarajevo kao osnivač javnih preduzeća uređuje način vršenja ovlaštenja skupština javnih preduzeća čiji je osnivač.

- **Član 2.** - u ovom članu predviđeno je da ovlaštenja skupštine u KJP vrši Vlada Kantona Sarajevo putem punomoćnika, a isključivo sa ciljem veće efikasnosti i transparentnosti te uspostavljanja aktivnije uloge Vlade Kantona u procesu nadzora nad radom upravljačkih struktura odnosno rada i poslovanja javnih preduzeća čiji je osnivač Kanton Sarajevo,

Vodeći se naprijed navedenim principima te uz puno uvažavanje javnog interesa i specifičnosti djelatnosti koje obavljaju javna preduzeća, predviđeno je da će Vlada Kantona, a na prijedlog resornog ministra, ovlastiti do tri punomoćnika koji će u ime i za račun Vlade vršiti ovlaštenje skupštine. Vlada Kantona će dati punomoć u pismenom obliku i sa uputama o načinu vršenja ovlaštenja u procesu rada i donošenja odluka skupštine preduzeća (način glasanja, ovlaštenje za sazivanje sjednica u ime osnivača, potpisivanje odluka i dr.). Nadalje, Vlada Kantona će posebnim aktom precizirati bitne elemente koje mora sadržavati izdata punomoć u skladu sa relevantnim propisima. Punomoćnici su dužni postupati u skladu sa obaveznim uputstvima odnosno ukoliko upute nisu dobili, dužni su postupati savjesno sa pažnjom dobrog privrednika i u skladu sa razumnom prosudbom najboljeg interesa Kantona Sarajevo kao osnivača.

Također, u stavu (6) ovog člana utvrđeni su slučajevi u kojima punomoćnici ne mogu postupati bez obavezujućih uputa Vlade Kantona Sarajevo.

- **Član 3.** - definisani su uslovi za imenovanje punomoćnika.

- **Član 4.** - u skladu sa odredbama člana 336. Zakona o privrednim društvima kojima je definisan krug ovlaštenih lica za sazivanje skupštine društva, način sazivanja sjednica, ovim članom se definiše obaveza KJP da poziv za sazivanje sjednice skupštine dostave Vladi Kantona odnosno resornom ministarstvu sa prijedlogom dnevnog reda i materijalima za svaku tačku dnevnog reda. Ova obaveza je utvrđena sa ciljem da se Vlada Kantona blagovremeno upozna i odredi prema predloženom dnevnom redu, te ukoliko postoji interes, da obavezujuće upute punomoćnicima za

odlučivanje po jednoj ili više tačaka dnevnog reda, odnosno uputu za dopunu predloženog dnevnog reda.

- **Član 5.** - ovim članom je predviđeno da danom stupanja na snagu ove odluke prestaju da važe odredbe osnivačkih i drugih akata KJP iz člana 1. ove odluke koje su u suprotnosti sa ovom odlukom te da su KJP dužna uskladiti odredbe statuta i drugih općih akata sa ovom odlukom u roku od 60 dana od dana stupanja na snagu ove odluke.

U odnosu na tekst Nacrta odluke, izmjenjen je rok za usklađivanje osnivačkih akata i statuta, te umjesto ranijeg roka od 30 dana, predviđen je primjereniji rok od 60 dana.

Također, u ovom članu se previđa kao prelazno rješenje, a na što je ukazivalo više sudionika javnoj raspravi, da skupština KJP imenovana po ranijim propisima nastavlja vršiti ovlaštenja skupštine dok Vlada Kantona ne ovlasti punomoćnike.

- **Član 6.** - utvrđeno je da stupanjem na snagu ove odluke prestaje da važi Odluka o osnivanju skupština javnih preduzeća čiji je osnivač Kanton Sarajevo, kao i akti doneseni na osnovu te Odluke.

- **Član 7.** - utvrđeno je da odluka stupa na snagu narednog dana od dana objavljivanja u „Službenim novinama Kantona Sarajevo”.

U skladu sa naprijed navedenim, predlažemo donošenje odluke kako je predloženo i obrazloženo.

#### **POTREBNA FINANSIJSKA SREDSTVA:**

Za provođenje ove odluke nije potrebno obezbijediti finansijska sredstva u Budžetu Kantona Sarajevo.



Broj: 09-02-26931/19  
Sarajevo, 04.07.2019. godine

KANTON SARAJEVO  
MINISTARSTVO KOMUNALNE PRIVREDE I INFRASTRUKTURE

**PREDMET: Stručno mišljenje na prijedlog Odluke o vršenju ovlaštenja Skupštine u javnim preduzećima čiji je osnivač Kanton Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo («Službene novine Kantona Sarajevo», broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa («Službene novine Kantona Sarajevo», broj: 50/17-Drugi novi prečišćeni tekst i 2/18-Ispravka), Ured za zakonodavstvo Vlade Kantona Sarajevo, daje slijedeće

**MIŠLJENJE**

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Odluke o vršenju ovlaštenja Skupštine u javnim preduzećima čiji je osnivač Kanton Sarajevo (u daljem tekstu: Odluka), a iz razloga koji su navedeni u obrazloženju predmetnog materijala.

U nadležnosti je Skupštine Kantona Sarajevo da utvrdi način rada i upravljanja kantonalnim javnim preduzećima čiji je osnivač Kanton Sarajevo, u skladu sa pozitivno-pravnim propisima koji regulišu ovu oblast.

2. Primjedbe normativno-tehničke prirode na tekst prijedloga Odluke:

2.1. u preambuli/uvodnom dijelu pozvati se na član 303. **stav (1)** Zakona o privrednim društvima («Službene novine Federacije Bosne i Hercegovine», broj:81/15);

2.2. u članu 6. brisati oznaku stava (1), jer se radi o samo jednom stavu,

2.3. u članu 7. riječ:»Odluka», pisati malim početnim slovom.



3. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa («Službene novine Kantona Sarajevo», broj: 50/17-Drugi novi prečišćeni tekst i 2/18-Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SEKRETAR

Ahmed Ljubovic, dipl. pravnik



web: <http://vlada.ks.gov.ba>  
e-mail: [uz@uz.ks.gov.ba](mailto:uz@uz.ks.gov.ba)  
Tel: + 387(0)33 560-449  
Sarajevo, Hamida Dizdara 1





Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry of Justice and Administration**

Broj: 03-06-02-26930/19  
Sarajevo, 04.07.2019.godine

**MINISTARSTVO KOMUNALNE PRIVREDE  
I INFRASTRUKTURE**  
gosp. Srđan Mandić, ministar

**PREDMET: Prijedlog Odluke o vršenju ovlaštenja u javnim preduzećima čiji  
je osnivač Kanton Sarajevo, mišljenje –**  
**VEZA: Vaš akt, broj: 27-05-26870-1/19 od 03.07.2019. godine**

Postupajući po vašem aktu, broj i datum gornji, na osnovu odredbi člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst i br. 41/12, 8/15 i 13/17) i člana 4. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Drugi novi prečišćeni tekst i 2/18-Ispravka), Ministarstvo pravde i uprave razmotrilo je ovu odluku i daje slijedeće

**MIŠLJENJE**

Prijedlog Odluke o vršenju ovlaštenja u javnim preduzećima čiji je osnivač Kanton Sarajevo je propis koji nema uticaja na ostvarivanje prava zaštićenih odredbama Evropske konvencije o zaštiti ljudskih prava i osnovnih sloboda kao ni sa drugim pravnim aktima kojima je utvrđena zaštita ljudskih prava.

S poštovanjem,

Dostaviti:

1. Naslovu;
2. a/a.



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba)  
Tel: + 387 (0) 33 562-083,  
Fax: + 387 (0) 33 562-241  
Sarajevo, Reisa Džemaludina Čauševića 1







Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Finance

Broj: 08-01-02-26936/19 A.Z.  
Sarajevo, 08.07.2019. godine

**MINISTARSTVO KOMUNALNE PRIVREDE I INFRASTRUKTURE  
KANTONA SARAJEVO**

**Predmet:** Mišljenje na Prijedlog odluke o vršenju ovlaštenja Skupštine u javnim preduzećima čiji je osnivač Kanton Sarajevo

**Veza:** Vaš dopis, broj: 27-05-26870-1/19 od 03.07.2019. godine

Vezano za Vaš zahtjev za mišljenje na Prijedlog odluke o vršenju ovlaštenja Skupštine u javnim preduzećima čiji je osnivač Kanton Sarajevo, u skladu sa članom 8 Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo komunalne privrede i infrastrukture je postupilo u skladu sa navedenim Pravilnikom i Ministarstvu finansija uz Prijedlog odluke dostavilo na mišljenje popunjen i potpisan obrazac IFP-NE u kojem je data izjava da za provođenje Prijedloga odluke nisu potrebna dodatna finansijska sredstva iz Budžeta Kantona Sarajevo.

Obzirom da za provođenje Prijedloga odluke nisu potrebna dodatna sredstva iz Budžeta Kantona Sarajevo, na navedeni Prijedlog odluke o vršenju ovlaštenja Skupštine u javnim preduzećima čiji je osnivač Kanton Sarajevo, Ministarstvo finansija sa aspekta fiskalnog učinka na Budžet, nema primjedbi.



Dostaviti:

1. Naslovu
2. MF – Sektor za budžet i fiskalni sistem
3. a/a

Pripremili: Alma Zildžić, mr. oec.

Adin Šendro, mr. oec.

Kontrolisala: Amina Moćević, mr.



web: <http://mf.ks.gov.ba>  
e-mail: [mf@mf.ks.gov.ba](mailto:mf@mf.ks.gov.ba)  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62



## IZVJEŠTAJ

### O PROVEDENOJ JAVNOJ RASPRAVI O NACRTU ODLUKE O VRŠENJU OVLAŠTENJA SKUPŠTINE U JAVNIM PREDUZEĆIMA ČIJI JE OSNIVAČ KANTON SARAJEVO

Skupština Kantona Sarajevo je na Sedmoj radnoj sjednici održanoj dana 17.04.2019. godine utvrdila Nacrt odluke o vršenju ovlaštenja skupštine u javnim preduzećima čiji je osnivač Kanton Sarajevo (u daljem tekstu: odluka) i donijela Zaključak da se o ovom Nacrtu provede javna rasprava u trajanju od 15 dana. Nacrt odluke je dostavljen kantonalnim organima uprave, jedinicama lokalne samouprave i javnim preduzećima na koje se Odluka odnosi.

U toku javne rasprave, pismene primjedbe, prijedloge i sugestije dostavili su:

- KJKP „Sarajevogas” d.o.o. Sarajevo,
- KJKP „Tržnice-pijace” d.o.o. Sarajevo
- KJKP „Vodovod i kanalizacija” d.o.o. Sarajevo

Također, u toku rasprave po tački 10. Dnevnog reda Sedme radne sjednice Skupštine Kantona Sarajevo, a koja je prethodila utvrđivanju Nacrta odluke o vršenju ovlaštenja skupštine u javnim preduzećima čiji je osnivač Kanton Sarajevo, zastupnici u Skupštini Kantona Sarajevo Aljoša Čampara i Mirza Čelik, uz podršku donošenju odluke koja tretira ovo pitanje, iznijeli su i niz primjedbi na predložene odredbe odluke. Primjedbe su na osnovu Izvoda iz Stenograma 7. Radne sjednice Skupštine Kantona Sarajevo, obuhvaćene u Izvještaju.

Izvještaj sadrži pojedinačne primjedbe koje se odnose na pojedine odredbe Odluke, a date su od različitih učesnika u javnoj raspravi. Primjedbe koje su prihvaćene ugrađene su u tekst Prijedloga odluke te je dato obrazloženje zbog čega pojedine primjedbe nisu mogle biti prihvaćene.

Pismene primjedbe i prijedlozi se nalaze u prilogu Izvještaja.

### PRIMJEDBE, PRIJEDLOZI I SUGESTIJE

#### I – NAČELNE PRIMJEDBE

**1. Zastupnik u Skupštini Kantona Sarajevo Aljoša Čampara u toku prethodne rasprave:** „Ja ću krenuti od samog početka, prije svega od pravnog osnova za donošenje odluke gdje se navodi član 337. stav (1), ali mislim da ne možemo posmatrati ove zakone samo na osnovu jednog člana nego moramo posmatrati cjelokupni Zakon. I Zakon o privrednim društvima u cjelini kao i Zakon o javnim preduzećima. Prije svega želim da kažem da Zakon o privrednim društvima sadrži odredbe koje se tiču načina sazivanja Skupštine te s tim u vezi skupština jednog privrednog društva je praktično događaj koji se dešava, otprilike je to do tri puta godišnje, u Zakonu se kaže najmanje jednom godišnje. I utvrđeni su rokovi od strane Zakonom ovlaštenih predlagača i ne možemo ovdje govoriti o nekom drugom organu jednom ili tri člana, posebno što su ova sva preduzeća u vlasništvu Kantona Sarajevo. Dakle u 100% vlasništvu.”

**STAV PREDLAGAČA: Primjedba se ne prihvata.** Naime, navedni član 337. Zakona o privrednim društvima utvrđuje mogućnost da član društva odnosno osnivač može učestvovati

na skupštini društva lično ili putem punomoćnika i predstavlja adekvatan pravni osnov iz kojeg proizilazi ovlaštenje za donošenje ove odluke.

**2. KJKP „Tržnice pijace” d.o.o. Sarajevo:** Ukazuju da je naveden pogrešan pravni osnov u smislu da u Pravilima i postupcima za izradu zakona i drugih propisa Federacije Bosne i Hercegovine, a ovo isto važi i za Jedinstvena pravila za izradu pravnih propisa u institucijama Bosne i Hercegovine, a kojih se i organi Kantona Sarajevo moraju pridržavati prilikom donošenja propisa, navodi se da je Uvod dio propisa koji se nalazi iznad naziva propisa, a sadrži podatke o pravnom osnovu za donošenje propisa, odnosno odredbe iz kojih proizilazi ovlaštenje za njegovo donošenje. Predmetna odluka nema valjan pravni osnov jer član 337. stav (1) Zakona o privrednim društvima („Službene novine Federacije BiH”, broj: 81/15) i član 2. stav 2. Zakona o javnim preduzećima u Federaciji Bosne i Hercegovine („Službene novine Federacije BiH”, broj: 8/05, 81/08, 22/09 i 109/12), uopšte ne daju pravo Skupštini Kantona da donese ovakvu odluku kojom će se urediti pitanje vršenja ovlaštenja skupštine u javnim preduzećima, pa je samim tim ovakva Odluka suprotna Zakonu o privrednim društvima i Zakonu o javnim preduzećima. Navedeni članovi i ono što se njima definiše uopšte ne govore o tome da kantoni ili općine ili Federacija donose odluku kojom će urediti pitanje vršenja ovlaštenja skupštine javnih preduzeća. Nadalje ukazuju da pozivanje na član 18. Ustava Kantona Sarajevo u preambuli Odluke ne daje adekvatan materijalni osnov, jer nije logično pozivanje na Zakon o privrednim društvima i Zakon o javnim preduzećima u konkretnom slučaju.

**3. KJKP „Vodovod i kanalizacija” d.o.o. Sarajevo”:** Primjedbe se odnose na preambulu u smislu da pravni osnov za donošenje Odluke koji je naveden u Nacrtu odluke nije pravilno naveden, jer naveden odredbe ne mogu biti pravni osnov za donošenje ove Odluke.

**STAV PREDLAGAČA: Primjedba se ne prihvata.** Odredbama člana 335. stav (6) Zakona o privrednim društvima utvrđeno je da u društvu sa ograničenom odgovornošću sa jednim članom ovlaštenja skupštine vrši član društva, dok je odredbama člana 337. istog Zakona definisano odlučivanje na skupštini.

### **Član 1. (Predmet odluke)**

**1. Zastupnik u Skupštini Kantona Sarajevo Aljoša Čampara u toku prethodne rasprave:** „U članu 1. odluke govori se da ovom odlukom Kanton Sarajevo kao osnivač KJKP utvrđuje način vršenja ovlaštenja, sastav i način rada skupštine, kao i sastav NO JP čiji je osnivač. Ja želim da skrenem pažnju prije svega da ova odluka apsolutno ne može tretirati NO jer oni nisu dio ovoga. Nadzorni odbor može tretirati samo Zakon o javnim preduzećima, statuti JP i Zakon o privrednim društvima. Dakle ova odredba ne može stajati u ovoj odluci.”

**STAV PREDLAGAČA: Primjedba se prihvata,** i u članu 1. odluke brišu se riječi: ”sastav i način rada skupština kao i sastav nadzornih odbora”.

**2. KJKP „Tržnice pijace” d.o.o. Sarajevo:** Primjedba 2. (član 1.) - Obzirom da se radi o Odluci o vršenju ovlaštenja Skupštine JP smatramo da u predmetu ove Odluke ne treba stajati uređivanje sastava nadzornog odbora u javnim preduzećima, obzirom da je ovo pitanje detaljno razrađeno u Zakonu o privrednim društvima, Zakonom o javnim preduzećima, osnivačkim aktima i Statutima.

**3. KJKP „Vodovod i kanalizacija” d.o.o. Sarajevo”:** Obzirom da se radi o Odluci o vršenju ovlaštenja Skupštine u JP, a kako glasi i naziv odluke, to smatramo da u predmetu

ove Odluke ne treba regulisati pitanja vezana za nadzorni odbor, odnosno njegov sastav, jer je ovo pitanje detaljno razrađeno u ZPD, Zakonu o javnim preduzećima i Statutima.

**STAV PREDLAGAČA: Primjedba se prihvata**, s obzirom da se radi o identičnim primjedbama kao i KJKP „Tržnice-pijace” d.o.o. Sarajevo, i član 1. je revidiran.

**Član 2.**  
**(Skupština KJP)**

**1. PREDLAGAČ: Član 2. mijenja se i glasi:**

**„Član 2.**

**(Ovlaštenja skupštine u KJP)**

*(1) Ovlaštenja skupštine u KJP u skladu sa zakonom i osnivačkim aktima, vrši Vlada Kantona Sarajevo ( u daljem tekstu: Vlada Kantona) putem punomoćnika.*

*(2) Vlada Kantona Sarajevo će, na prijedlog resornog ministra, ovlastiti do tri punomoćnika koji će u ime i za račun Vlade Kantona vršiti ovlaštenja skupštine javnog preduzeća.*

*(3) Punomoć se izdaje u pisanom obliku i sa uputama o načinu vršenja ovlaštenja u procesu rada i donošenja odluka od strane skupštine preduzeća.*

*(4) Bitne elemente sadržaja punomoći Vlada Kantona će definisati posebnim aktom u skladu sa zakonom.*

*(5) Punomoćnici su dužni postupati u skladu sa obavezujućim uputama Vlade Kantona odnosno ukoliko upute nisu dobili, dužni su postupati savjesno sa pažnjom dobrog privrednika i u skladu sa razumnom prosudbom najboljeg interesa Kantona Sarajevo kao osnivača.*

*(6) Izuzetno od stava (5) ovog člana, punomoćnici ne mogu postupati bez obavezujućih uputa Vlade Kantona Sarajevo u slijedećim slučajevima:*

*a) prilikom odlučivanja o povećanju ili smanjenju osnovnog kapitala,*

*b) prilikom usvajanja godišnjeg izvještaja o poslovanju društva koji uključuje finansijski izvještaj i izvještaje revizora,*

*c) pri kupovini, prodaji, zamjeni, uzimanju ili davanju u lizing, uzimanju ili davanju kredita i drugim transakcijama imovinom,*

*d) prilikom izbora i razrješenja članova nadzornog odbora pojedinačno,*

*e) prilikom izbora i razrješenja članova odbora za reviziju. ”.*

**OBRAZLOŽENJE:** Detaljnom analizom predložene norme kao i primjedbi istaknutih u javnoj raspravi, uočeno je da ista sadrži niz nedostataka i nedosljednosti koje se navedenom izmjenom otklanjaju i dodatno preciziraju nosioci ovlaštenja, prava i obaveze istih tokom vršenja ovlaštenja skupštine u javnim preduzećima čiji je osnivač Kanton Sarajevo.

Sudionici u javnoj raspravi u svojim primjedbama upućivali na striktnu primjenu člana 238. stav (3), (4) i (6), a u vezi sa članom 303. stav (1) Zakona o privrednim društvima kojim je propisano da se odredbe ovog zakona o dioničkom društvu primjenjuje se na društvo sa ograničenom odgovornošću ako posebnim odredbama ovog Zakona nije drugačije određeno.

Nakon detaljne analize, a uzimajući u obzir organizacioni oblik javnih preduzeća čiji je osnivač Kanton Sarajevo (radi se isključivo o društvima sa ograničenom odgovornošću) i uz uvažavanje svrsishodnosti i cilja samog Zakona o privrednim društvima, preciznije odredbi članova 335., 336. i 337. Zakona kojima se reguliše i definiše način rada i sazivanja skupštine društva sa ograničenom odgovornošću te odredbi članova Zakona koji se odnose na skupštinu dioničkog društva, a u vezi sa članom 303. stav (1) Zakona o privrednim

društvima, konstatovano je da u konkretnoj stvari nije moguća striktna primjena odredbi člana 238. stav (3), (4) i (6) Zakona o privrednim društvima.

Naime, iz naprijed navedenih odredbi članova 335., 336. i 337. ZPD i u duhu cijelog Zakona, dolazi se do jasnog i nedvosmislenog zaključka da je zakonodavac predvidio značajan stepen autonomnosti u upravljanju društvima za osnivače DOO u odnosu na vlasnike dionica u DD, a što je u skladu i sa standardima korporativnog upravljanja.

Za navedeno, uporište se nalazi u samim odredbama člana 335. stav (3) Zakona o privrednim društvima kojim je predviđena mogućnost da osnivač ili više njih ugovorom ili statutom odrediti mogu odrediti da se o pojedinim pitanjima može odlučivati i bez sazivanja skupštine, pisanim glasanjem. Također, u članu 336. utvrđen je krug ovlaštenih osoba koji mogu sazvati skupštinu te je predviđeno i „član ili članovi društva čiji udjeli čine najmanje desetinu osnovnog kapitala (kod DD sjednice skupštine u pravilu saziva Nadzorni odbor, na vlastitu inicijativu ili po prijedlogu ovlaštenih predlagača u koji krug spada i „dioničar ili grupa dioničara sa više od 10% od ukupnog broja dionica sa pravom glasa”).

U tom cilju, kod DOO nije predviđena obaveza javnog objavljivanja obavještanja o održavanju skupštine u dnevnim novinama, ne postoji obaveza registracije za učešće u radu skupštine, nema obaveznih radnih tijela skupštine, odbora za glasanje i ovjerivača zapisnika odnosno rad skupštine u DOO je manje formalizovan, operativniji je i pojednostavljen.

I u pogledu nadležnosti skupštine odnosno pitanja o kojima odlučuje skupština, za DOO je Zakonom utvrđena obaveza odlučivanja skupštine samo u tri slučaja dok je kod DD situacija značajno drugačija. Na kraju, relevantna činjenica u konkretnoj situaciji jeste da dioničar ima ovlaštenje da učestvuje u radu i odlučivanju skupštine putem glasanja i u tom obimu svoja ovlaštenja može prenijeti i na punomoćnika, dok u konkretnoj situaciji Skupština Kantona kao osnivač odnosno Vlada Kantona prenose svoje ovlaštenje za donošenje odluka iz nadležnosti skupštine preduzeća.

Evidentno je da odredbe članova 335., 336. i 337. Zakona o privrednim društvima sa jasnim ciljem predviđaju širi korpus ovlaštenja osnivača u upravljanju društvom kroz skupštinu i uz pojednostavljane procedure.

I pored navedenog predlagač predlaže da, a isključivo sa ciljem veće efikasnosti i transparentnosti te uspostavljanja aktivnije uloge Vlade Kantona u procesu nadzora nad radom upravljačkih struktura odnosno radu i poslovanju javnih preduzeća čiji je osnivač Kanton Sarajevo, Vlada Kantona na prijedlog resornog ministra ovlasti do tri punomoćnika koji će u ime i za račun Vlade vršiti ovlaštenje skupštine u skladu sa obaveznim uputstvima i donositi odluke iz nadležnosti skupštine preduzeća. Pitanja koja se odnose na bitne elemente koje mora sadržavati izdata punomoć Vlada Kantona će posebnim aktom precizirati i urediti u skladu sa relevantnim propisima. Također, u stavu (6) ovog člana utvrđeni su slučajevi u kojima punomoćnici ne mogu postupati bez obavezujućih uputa Vlade Kantona Sarajevo.

**2. Zastupnik u Skupštini Kantona Sarajevo Aljoša Čampara u toku prethodne rasprave:** „Ovlaštenje skupštine u KJP vrši Vlada Kantona Sarajevo putem punomoćnika. Vlada Kantona može opunomoćiti jednog ili tri punomoćnika koja će vršiti ovlaštenje skupštine preduzeća. Ova odredba je u potpunosti suprotna članu 238. stav (6) Zakona o privrednim društvima koji kaže da jednog dioničara na skupštini može zastupati samo jedan punomoćnik. Obzirom da je Kanton jedini osnivač ovih JP punomoć se isključivo može dati samo jednom punomoćniku. Veza sa članom 303. stav (1) Zakona o privrednim društvima kojim je predviđeno da odredbe ovog zakona o dioničkom društvu primjenjuje se na društvo sa ograničenom odgovornošću ako posebnim odredbama ovog Zakona nije drugačije

određeno. Dakle radi se o tome da kada ovlaštenu predlagač traži sazivanje skupštine, to može NO, član NO ili Uprava društva ili jedan od članova Uprave društva onda Vlada može predložiti samo jednog punomoćnika, koji obično dolazi iz resora koji prati rad tog JP. Kada se sazove skupština i utvrdi se dnevni red onda Vlada daje punomoć tom punomoćniku na način da mu tačno kaže kako će za koju tačku glasati. To su propisane procedure vrlo jasne, tako da tu ne može biti jedan, dva ili tri punomoćnika, nego samo jedan kojeg odredi Vlada. I to je dobro tako će resorna ministarstva na osnovu ovoga svega bolje pratiti rad svojih JP koja se nalaze u njihovom resoru. Ovo što se govori da se može dati generalna punomoć, ona ne postoji. Dakle odredbe stava (3) i (4) suprotne su članu 238. stav (3) Zakona o privrednim društvima koji kaže da će se punomoć za učešće u radu i odlučivanju skupštine dioničkog društva daje nakon objavljivanja obavještenja o sazivanju svake skupštine u obliku ovjerene pisane izjave potpisane od dioničara i punomoćnika. Također, ne može se dati generalna punomoć nego se ista daje za svaku održanu sjednicu i to nakon objavljivanja obavještenja o sazivanju svake skupštine. Dakle nema nekog perioda od dvije godine, do dvije godine, nego za svaku skupštinu resorno ministarstvo predlaže Vladi, Vlada donosi odluku. Obično su to ljudi koji dolaze iz Ministarstva ili sekretari ministarstva ili pomoćnici ili neki viši rang državnog službenika koji će ispred Vlade glasati na toj skupštini preduzeća. Zatim u odluci u članu 2. stav (5) se govori o tome da nadležni organ preduzeća će proglasiti glasove punomoćnika nevažećim i o tome obavijestiti Vladu Kantona u nekom slučaju. Ovom odredbom jednostavno nije navedeno koji je to organ preduzeća koji će proglasiti glasove punomoćnika nevažećim. Radi pojašnjenja, najviši organ upravljanja u preduzeću je skupština preduzeća pa se postavlja pitanje koji bi to mogao biti neki drugi ovlaštenu organ preduzeća koji može ove glasove proglasiti nevažećim. Dakle to je potpuno nelogično i u koliziji je sa ovim stavovima. Već sam rekao kroz pitanja da je punomoć valjana samo ako je sastavljena u skladu sa Zakonom o obligacionim odnosima i ovakvu odredbu treba uvrstiti u ovu odluku. ”.

**STAV PREDLAGAČA:** Primjedba se ne prihvata, a detaljno obrazloženje je dato uz prijedlog novog člana 2. odluke.

## **2. „KJKP „Sarajevogas” d.o.o. Sarajevo:**

Ističu da je član 2. stav (2) Odluke suprotan članu 238. stav (6) Zakona o privrednim društvima kojim je propisano: „Jednog dioničara na skupštini može zastupati samo jedan punomoćnik”. S obzirom da je Kanton Sarajevo jedini osnivač ovih JP punomoć se može isključivo dati samo jednom punomoćniku. Primjena odredbe ovog člana ZPD-a propisana je članom 303. stav (1) istog Zakona: „Odredbe ovog zakona o dioničkom društvu primjenjuju se na društvo sa ograničenom odgovornošću, ako posebnim odredbama ovog zakona nije drugačije određeno.”. Obzirom da po ovom pitanju u dijelu ZPD-a koji obrađuje društva sa ograničenom odgovornošću nema posebnih odredbi, direktno se primjenjuje citirani član.

Također, ukazuju da je odredba u članu 2. stav (4) suprotna članu 238. stav (3) ZPD kojim je propisano: „Punomoć za učešće u radu i odlučivanju skupštine dioničkog društva daje se nakon objavljivanja obavještenja o sazivanju svake skupštine u obliku ovjerene pisane izjave potpisane od dioničara i punomoćnika.”. Zaključak je da iz citiranih odredbi se jasno čita da se ne može dati generalna punomoć, već da se ista daje za svaku sjednicu koja se treba održati i to nakon objavljivanja obavještenja o sazivanju svake skupštine.

**3. KJKP „Tržnice pijace” d.o.o. Sarajevo:** Odredba u članu 2. stav (5) ne propisuje jasno koji je to organ preduzeća koji će proglasiti glasove punomoćnika nevažećim. Radi pojašnjenja, najviši organ upravljanja u preduzeću je Skupština preduzeća, pa se postavlja

pitanje koji će to ovlaštenu organ preduzeća proglasiti glasove nevažećim? Napomene radi, član 240. Zakona o privrednim društvima precizira da odbor za glasanje proglašava takve glasove nevažećim. Odbor za glasanje se formira u Dioničkim društvima, ali ne i u D.O.O. u kojima Kantona ima 100% udio.

- Nadalje ističu da smatraju da valjanost Punomoći treba precizirati u skladu sa Zakonom o obligacionim odnosima i ovakvu odredbu treba uvrstiti u ovu odluku.

#### **4. KJKP „Vodovod i kanalizacija” d.o.o. Sarajevo:**

3.1. Primjedbe se odnose na stav (1) i (2) i glase: Odredbe stava 1. i 2. su suprotne članu 238. stav (6) Zakona o privrednim društvima (ZPD) koji ovo pitanje reguliše na sljedeći način: „Jednog dioničara na skupštini može zastupati samo jedan punomoćnik. Obzirom da je Kanton jedini osnivač ovih JP punomoć se isključivo može dati samo jednom punomoćniku. (Veza sa članom 303. stav (1) ZPD Odredbe ovog zakona o dioničkom društvu primjenjuju se na društvo sa ograničenom odgovornošću, ako posebnim odredbama ovog zakona nije drugačije određeno.)

3.2. Odredbe stava (3) i (4) ovog člana suprotne su članu 238. stav (3) ZPD koji ovo pitanje reguliše na sljedeći način: „Punomoć za učešće u radu i odlučivanju skupštine dioničkog društva daje nakon objavljivanja obavještenja o sazivanju svake skupštine u obliku ovjerene pisane izjave potpisane od dioničara i punomoćnika.

Takođe, bitno je istaći da se ne može dati generalna punomoć, nego se ista daje za svaku održanu sjednicu i to nakon objavljivanja obavještenja o sazivanju SVAKE skupštine.

3.3. Primjedbe se odnose na stav (5): Ovom odredbom nije navedeno koji je to organ preduzeća koji će proglasiti glasove punomoćnika nevažećim. Radi pojašnjenja, najviši organ upravljanja u preduzeću je skupština preduzeća pa se postavlja pitanje koji će to ovlaštenu organ preduzeća proglasiti glasove nevažećim? Postavlja se i pitanje da li ovakva norma ima logiku?

3.4. Primjedbe na stav (6): Predlaže se da se u kontekstu datih primjedbi briše stav 6. ovog člana.

**STAV PREDLAGAČA:** Primjedba se ne prihvata, uz konstataciju da su naprijed navedeni sudionici iznijeli primjedbe koje su suštinski identične, te je član 2. revidiran uz naprijed navedeno detaljno obrazloženje.

#### **Član 3.**

#### **(Rok za određivanje punomoćnika)**

**1. PREDLAGAČ:** Član 3. mijenja se i glasi:

#### **„Član 3.**

#### **(Uslovi za imenovanje punomoćnika)**

*Za punomoćnika može biti imenovano lice koje ispunjava slijedeće opće uslove:*

*a) da je državljanin Bosne i Hercegovine,*

*b) da je stariji od 18 godina,*

*c) da nije osuđivan za krivično djelo i za privredni prestup nespojiv sa dužnošću Skupštine, pet godina od pravosnažnosti presude, isključujući vrijeme zatvorske kazne, i da se protiv njega ne vodi krivični postupak,*

*d) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije,*

*e) da se na tog kandidata ne odnosi član IX. 1. Ustava Bosne i Hercegovine,*

f) da nije u sukobu interesa u smislu Zakona o sukobu interesa u organima vlasti Federacije Bosne i Hercegovine („Službene novine Federacije Bosne i Hercegovine” broj 70/08).”.

**OBRAZLOŽENJE:** Nakon analize diskusije te primjedbi i sugestija pristiglih tokom javne rasprave koje se odnose na član 3. odluke, isti član je izmijenjen. Shodno tome, konstatovano je da su odredbe ranijeg člana 3. postale nepotrebne te je isti izmijenjen u cijelosti i novim članom 3. odluke utvrđeni su uslovi za imenovanje punomoćnika.

**Član 4.**  
**(Poslovnik o radu skupštine)**

**1. PREDLAGAČ: Član 4. mijenja se i glasi:**

**„Član 4.**  
**(Sazivanje sjednice skupštine)**

(1) KJP je obavezno Vladi Kantona odnosno resornom ministarstvu dostaviti poziv za skupštinu sa dnevnim redom i materijalima za svaku tačku dnevnog reda.

(2) Vlada Kantona može, ukoliko postoji interes, punomoćnicima dati obavezujuće upute za odlučivanje po jednoj ili više tačaka predloženog dnevnog reda odnosno uputu za dopunu predloženog dnevnog reda sjednice skupštine preduzeća.”

**OBRAZLOŽENJE:** Na osnovu primjedbi iznesenih u diskusiji te pristiglih primjedbi i sugestija u toku javne rasprave, odlučeno je da se odredbe kojima se utvrđuje obaveza donošenja Poslovnika o radu skupštine brišu i član 4. je u potpunosti izmijenjen.

*Naime*, u skladu sa odredbama člana 336. Zakona o privrednim društvima kojima je definisan krug ovlaštenih lica za sazivanje skupštine društva, način sazivanja sjednica, ovim članom se definiše obaveza KJP da poziv za sazivanje sjednice skupštine dostave Vladi Kantona odnosno resornom ministarstvu sa prijedlogom dnevnog reda i materijalima za svaku tačku dnevnog reda. Ova obaveza je utvrđena sa ciljem da se Vlada Kantona blagovremeno upozna i odredi prema predloženom dnevnom redu te ukoliko postoji interes, da obavezujuće upute punomoćnicima za odlučivanje po jednoj ili više tačaka predloženog dnevnog reda ili upute za dopunu predloženog dnevnog reda.

**Član 5.**  
**(Izbor i imenovanje nadzornih odbora KJP)**

**1. PREDLAGAČ: Član 5. se mijenja i glasi:**

**„Član 5.**  
**(Prelazne odredbe)**

(1) Danom stupanja na snagu ove odluke prestaju da važe odredbe osnivačkih i drugih akata KJP iz člana 1. ove odluke koje su u suprotnosti sa ovom odlukom.

(2) KJP su dužna uskladiti odredbe statuta i drugih općih akata sa ovom odlukom u roku od 60 dana od dana stupanja na snagu ove odluke.

(3) Skupština KJP imenovana po ranijim propisima nastaviti će vršiti ovlaštenja dok Vlada Kantona ne ovlasti punomoćnike.”

**OBRAZLOŽENJE:** Izvršenom analizom, a nakon diskusije i dostavljenih primjedbi u toku javne rasprave, odlučeno je da se član 5. u potpunosti revidira, te je novim članom 5. predviđeno da danom stupanja na snagu ove odluke prestaju da važe odredbe osnivačkih i drugih akata KJP iz člana 1. ove odluke koje su u suprotnosti sa ovom odlukom te da su KJP dužna uskladiti odredbe statuta i drugih općih akata sa ovom odlukom u roku od 60 dana od dana stupanja na snagu ove odluke. U odnosu na tekst Nacrta odluke, izmjenjen je rok za usklađivanje osnivačkih akata i statuta, te umjesto ranijeg roka od 30 dana, predviđen je primjereniji rok od 60 dana.



Također, u ovom članu se previđa kao prelazno rješenje, a na što je ukazivalo više sudionika javnoj raspravi, da skupština KJP imenovana po ranijim propisima nastavi vršiti ovlaštenja skupštine dok Vlada Kantona ne ovlasti punomoćnike.

**Član 6.**  
**(Usklađivanje)**

**1. PREDLAGAČ:** Član 6. se mijenja i glasi:

*„Član 6.*

*(Prestanak važenja Odluke o osnivanju skupština javnih preduzeća čiji je osnivač Kanton Sarajevo)*

*Danom stupanja na snagu ove odluke prestaje važiti Odluka o osnivanju skupština javnih preduzeća čiji je osnivač Kantona Sarajevo ("Službene novine Kantona Sarajevo", br. 25/09, 22/11, 1/13 i 21/14), kao i akti koji su doneseni na osnovu te Odluke."*

**OBRAZLOŽENJE:** S obzirom da novi član 5. odluke predviđa usklađivanje akata KJP sa odredbama ove odluke, član 6. je u cijelosti izmijenjen i istim je utvrđeno da stupanjem na snagu ove odluke prestaje da važi Odluka o osnivanju skupština javnih preduzeća čiji je osnivač Kanton Sarajevo, kao i akti doneseni na osnovu te Odluke.

**Član 7.**  
**(Prestanak važenja Odluke o osnivanju skupština javnih preduzeća čiji je osnivač Kanton Sarajevo)**

**1. PREDLAGAČ:** Član 7. mijenja se i glasi:

*„Član 7.*

*(Stupanje na snagu)*

*Ova odluka stupa na snagu narednog dana od dana objavljivanja u „Službenim novinama Kantona Sarajevo."*

**OBRAZLOŽENJE:** Raniji član 7. je u potpunosti izmijenjen i novim članom je utvrđeno da odluka stupa na snagu narednog dana od dana objavljivanja u „Službenim novinama Kantona Sarajevo."